

DANIÆ II TABVLA.

177

ram suo, quam Insularum aliquot objectu, placidum nautis æquor efficit. Sub hac Diœcesi Insulæ sunt *Sanesoe, Hielm, Tuen, Hiarnoe Gerno forte, Hilgenes & aliæ plures.* *Vandalica* quæ & *Burglaviensis* Diœcesis. Præfecturas tredecim & Civitates sex habet. Partes ejus maxime illustres sunt *VVendsyssel, Handhæret, Thyland & Morsoe, Wendsyssel, sive Vensilia, id est, Vandalorum terra & sedes,* Præfecturas sex, Opida tria & Arcem unam habet. Hic est mons *Alberg* in quo gigantum monumenta conspiciuntur, Adjacent Insulæ *Grysholm, Hertzholm, Tydsbholm & aliæ.* In *Handhæret* est rupes visendæ altitudinis, *Skarringklint* dicta, & in otis ejus *Syrtes,* quas *Sandores & Braccas* vocant. Ei subsunt Insulæ *Oland & Oxeholm,* Præfecturas quatuor, Opidum unum nomine *Thystad,* ubi *Christianus tertius* scholam juventuti primus condidit, & Arcem unam *Orunnam* habet. Sub ea sunt Insulæ *Hansholm, Ostholm, Iegen, Cislund, Egholm, Bodum.* *Morsea,* Præfecturas tres, unicam Civitatem *Niscopsam,* & Arcem unicam *Lundstod* habet. Insula ei adjacet una, *Ageroa.* *Wiburgensis* diœcesis Præfecturas sedecim, Civitates tres & totidem Arces complectitur. *Viburgi* generale Concilium Triumvirorum nobilissimorum & sapientissimorum de causis civilibus cognoscendis & dijudicandis, toto fere anni spatio continuatur, nisi ubi inquietæ functionis molestiis defatigati, se in prædiis suis paululum recreant & vires recolligunt. Huc universæ Cimbricæ Chersonesi casus, querelæ de finibus & hæreditarum controversiæ, omnesque capitalium causarum animadversiones, cujusmodi sunt cædes, adulteria, furta & veneficii crimina deferuntur. Ad *VVensliam* Peninsulam, ubi in conum desinens, paulatim se ad Solis ortum æstivum inflectit, est ille Iutiæ angulus, ob pericula nautis adeo formidabilis. Nam ingens dorsum & *Syrty*s longissime se in Mare protendit, ut, qui tuto & citra periculi metum esse volunt, non propius duobus milliaribus ad littus accedant. Tale est omne Iutiæ littus Occidentale, ut qui in *Norvvegiam,* vel ex Oceano in Orientem navigare intendunt, longo circuitu Iutiam evitare cogantur. Sunt tamen quatuor omnino Montes in hoc littore, ex quibus nautæ habent suas observationes & indicia. Incolæ huius tractus piscaturam exercent. Cum autem Portum, & si dam navibus stationem non habeant, naves suas ex alto venientes, convocatis in subsidium sociis & vicinis ex Mari in littus pettrahunt, usque eo, quo fluctus Maris transcendere, easque levando tundendoque lædere nuncime possint. Copiosissima hæc in Mari variorum piscium, atque in primis *Alecum* captura. His expositis non alienum duxi *Coronidis* loco adjicere, quod Incolæ harum Regionû Septentrionalium fuerint & adhuc sint frigidi & sicci, proceræ staturæ, faciei pulchræ, boni coloris, jucundi, læti, suspiciosi, callidi ac in negotiis providi, sani, superbi, amantes suorum, multum comedant ac bibant, bene concoquant, ideoque diu vivant, sanguine abundant, mores severos habeant, & propter cordis calorem, sint pugnaces & rixosi, ament pericula, venationes & peregrinationes, suarum opinionum sint defensores, nihilominus justitiæ memores, in omnibus linguis addiscendis adprime dociles, musarum amantes, & pacta & contractus sancte observent, multos habeant liberos, & quod sœminæ ipsorum difficulter pariant, sintque formosæ & in administratione rei familiaris tenaces & prudentes: ex *Catharro* autem, morbo regio, angina, pleuritide, fistulis, aqua intercute vel phtisi plerumque moriantur. *Achilles Gassar*us testatur hæc inventa fuisse a *Monacho* tormenta bellica,

Mare.

Commoditas.

Mores.